

Einmol em Johr

Musik & Text Björn Heuser / Verlag: HEUSERMUSIK, GMO Publishing

Wo söns süht mer Männer kriesche,
wenn et Trömmelche jeiht?
Wo söns es jeder su jlich,
wie wemmer am Zochwäsch steiht?

Wohl kaum irjendwo bruch mer zom Fröhstöck ald Mett,
un fünf Daach kei Bett...

**Einmol em Johr, wenn et kribbelt em Buch,
schon morjens öm aach, dann muss ich erus.
Ich kann et nit erkläre, dat steck deef en mir dren,
einmol em Johr spür ich, wat et heiß ne Jeck ze sin.**

Konfettischnipsel övverall,
selvs en der kleinste Eck.
De janze Buud voll Ringelhemde,
un bunte Söck.

Selvs wenn ich wullt, ich kräät eines niemols hin,
op Fastelovend nit do bei ze sinn...

Bridge

Doch Karneval es su vill mieh, als su mancher vielleicht denk,
joot för Hätz un Siel, un vum Himmel e Jeschenk!
Spaß an d'r Freud, nit öm jede Preis – doch weiß ich, dat ich richtig ben,
wenn ich en Veedel-Million Minsche för der Fredde ahn der Vringspooz sin.